

摘藻堂四庫全書薈要

集部

欽定四庫全書薈要卷一萬八千二百九十五

集部

御定全唐詩卷八百九十

李景伯

一首

回波樂

回波爾時酒卮微臣職在箴規侍宴既過三爵誼譁竊
恐非儀

沈佺期

一首

回波樂

回波爾時佺期流向嶺外生歸身名已蒙齒錄袍笏未
復牙緋

裴談 一首

回波樂

回波爾時栲栳怕婦也是大好外邊祇有裴談內裏無

過李老

張說 六首

舞馬詞

萬玉朝宗鳳宸千金率領龍媒
眇鼓凝驕蹀躞聽歌弄影徘徊

天鹿遙徵衛叔日龍上借羲和
將共兩驂爭舞來隨八駿齊歌

綵旄八佾成行時龍五色因方
屈膝銜杯赴節傾心獻壽無疆

帝阜龍駒沛艾星闌驥子權竒
騰倚驤洋應節鯨驕接迹不移

二聖先天合德羣靈率土可封擊石駢驪紫燕縱金顧
步蒼龍

聖君出震應錄神馬浮河獻圖足蹋天庭鼓舞心將帝
樂跕躑

崔液 二首

蹋歌詞

此詞五言六句與拋球樂相似惟於第五句用韻不同或將第二首末二句作

上七言下三言讀
改入詞調者誤

綵女迎金屋仙姬出畫堂鴛鴦裁錦袖翡翠貼花黃歌

響舞分行豔色動流光

庭際花微落樓前漢已橫
金壺催夜盡羅袖舞寒輕
樂笑暢歡情未半著天明

李白

十四首

桂殿秋

仙女下董雙成漢殿夜涼吹玉笙
曲終却從仙官去萬戶千門惟月明

河漢女玉鍊顏雲輶往往在人間
九霄有路去無跡嬾

嫋香風生佩環

清平調

雲想衣裳花想容
春風拂檻露華濃
若非羣玉山頭見
會向瑤臺月下逢

一枝紅豔露凝香
雲雨巫山枉斷腸
借問漢宮誰得似
可憐飛燕倚新妝

名花傾國兩相歡
常得君王帶笑看
解釋春風無限恨
沉香亭北倚闌干

連理枝

雪蓋宮樓閉羅幕昏金翠鬪壓闌干香心澹薄梅梢輕
倚噴寶猊香燼麝煙濃馥紅綃翠被

淺畫雲垂帔點滴昭陽淚咫尺宸居君恩斷絕似遙千
里望水晶簾外竹枝寒守羊車未至

菩薩蠻

平林漠漠煙如織寒山一帶傷心碧暝色入高樓有人
樓上愁玉階空佇立宿鳥歸飛急何處是歸程長亭

更短亭

憶秦娥

一名秦樓月 一名碧雲深 一名雙荷葉

簫聲咽秦娥夢斷秦樓月
秦樓月年年柳色灞陵傷別
樂遊原上清秋節咸陽古道音塵絕
音塵絕西風殘照漢家陵闕

清平樂

一名憶蘿月

禁庭春晝鶯羽披新繡
百草巧求花下鬪祇賭珠璣滿
斗
日晚却理殘妝御前閒舞霓裳
誰道腰肢窈窕折

旋笑得君王

禁闈秋夜月探金窗罅玉帳鴛鴦噴蘭麝時落銀燈香
施女伴莫話孤眠六宮羅綺三千一笑皆生百媚宸
衷教在誰邊

煙深水闊音信無由達惟有碧天雲外月偏照懸懸離
別盡日感事傷懷愁着似鎖難開夜夜長留半被待
君魂夢歸來

鸞衾鳳褥夜夜常孤宿更被銀臺紅蠟燭學妾淚珠相

續 花貌些子時光拋人遠泛瀟湘欹枕悔聽寒漏聲
聲滴斷愁腸

畫堂晨起來報雪花墜高卷簾櫳看佳瑞皓色遠迷庭
砌 盛氣光引爐煙素草寒生玉佩應是天仙狂醉亂
把白雲揉碎

元結 五首

欸乃曲

偶存名跡在人間順俗與時未安閒來謁大官兼問政

扁舟却入九疑山

湘江二月春水平
滿月和風宜夜行
唱撈欲過平陽戍
守吏相呼問姓名

千里楓林煙雨深
無朝無暮有猿吟
倚橈靜聽曲中意
好是雲山韶濩音

零陵郡北湘水東
浯溪形勝滿湘中
溪口石顛堪自逸
誰能相伴作漁翁

下瀧船似入深淵
上瀧船似欲升天
瀧南始到九疑郡

應絕高人乘興船

張志和 五首

漁父

西塞山前白鷺飛
桃花流水鱖魚肥
青箬笠綠蓑衣
斜風細雨不須歸

釣臺漁父褐為裘
兩兩三三舴艋舟
能縱櫂慣乘流
長江白浪不曾憂

雪溪灣裏釣魚翁
舴艋為家西復東
江上雪浦邊風笑

著荷衣不歎窮

松江蟹舍主人歡
菰飯蓴羹亦共餐
楓葉落荻花乾
醉宿漁舟不覺寒

青草湖中月正圓
巴陵漁父櫂歌連
釣車子
檣頭船樂在風波不用仙

張松齡一首

漁父

樂是風波釣是閒
草堂松檜已勝攀
太湖水洞庭山狂

風浪起且須還

韓翃 一首

章臺柳 寄柳氏

章臺柳章臺柳往日依依今在否縱使長條似舊垂也
應攀折他人手

韋應物 四首

三臺 或加令字一名翠華引一名開元樂

一年一年老去明日後日花開未報長安平定萬國豈

得銜杯

冰泮寒塘水綠雨餘百草皆生朝來衡門無事晚下高齋有情

調笑令

一名宮中調笑一名轉應曲一名三臺令

胡馬胡馬遠放燕支山下跑沙跑雪獨嘶東望西望路迷迷路迷路邊草無窮日暮

河漢河漢曉挂秋城漫漫愁人起望相思塞北江南別離離別離別河漢雖同路絕

王建

十首

三臺

宮中二首
江南四首

魚藻池邊射鴨芙蓉苑裏看花日色
柘袍相似不著紅鸞扇遮

池北池南草綠殿前殿後花紅
天子千秋萬歲未央明月清風

揚州橋邊小婦長干市裏商人
三年不得消息各自拜鬼求神

青草湖邊草色飛
猿嶺上猿聲萬里三湘客到有風有
雨人行

樹頭花落花開道上人去人來朝愁暮愁即老百年幾
度三臺

鬪身彊健且為頭白齒落難追準擬百年千歲能得幾
許多時

調笑令

即宮中
調笑

團扇團扇美人竝來遮面玉顏顛顛三年誰復商量管

弦弦管弦管春草昭陽路斷

胡蝶胡蝶飛上金枝玉葉君前對舞春風百葉桃花樹
紅紅樹紅樹燕語鶯啼日暮

羅袖羅袖暗舞春風依舊遙看歌舞玉樓好日新妝坐
愁愁坐愁坐一世虛生虛過

楊柳楊柳日暮白沙渡口船頭江水茫茫商人少婦斷
腸腸斷腸斷鷓鴣夜飛失伴

戴叔倫

一首

調笑令

即轉
應曲

邊草邊草邊草盡來兵老山南山北雪晴千里萬里月
明明月明月胡笳一聲愁絕

劉禹錫

八首

紇那曲

二首

楊柳鬱青青竹枝無限情同郎一回顧聽唱紇那聲
蹋曲興無窮調同辭不同願郎千萬壽長作主人翁

憶江南

即春
去也

春去也多謝洛城人弱柳從風疑舉袂叢蘭裊露似霑
巾獨坐亦含嚙

春去也共惜艷陽年猶有桃花流水上無辭竹葉醉尊
前惟待見青天

瀟湘神

湘水流湘水流九疑雲物至今愁若問二妃何處所零
陵芳草露中秋

斑竹枝斑竹枝淚痕點點寄相思楚客欲聽瑤瑟怨瀟

湘深夜月明時

拋球樂

五色繡團圓登君璫瑁筵最宜紅燭下偏稱落花前上
客如先起應須贈一船

春早見花枝朝朝恨發遲及看花落後却憶未開時幸
有拋球樂一杯君莫辭

白居易

九首

花非花

花非花霧非霧夜半來天明去來如春夢不多時去似
朝雲無覓處

憶江南

江南好風景舊曾諳日出江花紅勝火春來江水綠如
藍能不憶江南

江南憶最憶是杭州山寺月中尋桂子郡亭枕上看潮
頭何日更重遊

江南憶其次憶吳宮吳酒一杯春竹葉吳娃雙舞醉芙

蓉早晚得相逢

如夢令

前度小花靜院不比尋常時見見了又還休愁却等閒
分散腸斷腸斷記取釵橫鬢亂

落月西窗驚起好箇忽忽些子鬢鬢禪輕鬆凝了一雙
秋水告你告你休向人間整理

頻日雅歡幽會打得來來越睩說著暫分飛感損一雙
看黛無柰無柰兩箇心兒總待

長相思

汴水流 泗水流 流到瓜洲古渡頭
吳山點點愁 思悠悠 恨悠悠
恨到歸時方始休 月明人倚樓

深畫眉 淺畫眉 蟬鬢鬢鬢雲滿衣
陽臺行雨回 巫山高 巫山低
暮雨瀟瀟郎不歸 空房獨守時

劉長卿 一首

謫仙怨

集作律詩題云苕溪
酬梁耿別後見寄

晴川落日初低 惆悵孤舟解
攜鳥向平蕪 遠近人隨流

水東西 白雲千里萬里明月前溪後溪獨恨長沙謫
去江潭春草萋萋

竇弘餘

常之子官至台
州刺史詞一首

廣謫仙怨

并序

天寶十五載正月安祿山反陷沒洛陽王師敗績
關門不守車駕幸蜀途次馬嵬驛六軍不發賜貴
妃自盡然後駕行次駱谷上登高下馬望秦川遙
辭陵廟再拜嗚咽流涕左右皆泣謂力士曰吾聽

九齡之言不到於此乃命中使往韶州以太牢祭之因上馬索長笛吹笛曲成潸然流涕佇立久之時有司旋錄成譜及鑿駕至成都乃進此譜請名曲帝謂吾因思九齡亦別有意可名此曲為謫仙怨其音屬馬嵬之事厥後以亂離隔絕有人自西川傳得者無由知但呼為劒南神曲其音怨切諸曲莫比大厯中江南人盛為此曲隨州刺史劉長卿左遷睦州司馬祖筵之內長卿遂撰其詞吹之

為曲意頗自得蓋亦不知本事余既備知聊因暇
日撰其辭復命樂工唱之用廣其不知者

胡塵犯闕衝關金輅提攜玉顏雲雨此時蕭散君王何
日歸還傷心朝恨暮恨回首千山萬山獨望天邊初
月蛾眉猶自彎彎

康駢字駕輕池州人登第為崇文館校書郎後為田
頤客薦授中書舍人所著有劇談錄詞一首

廣謫仙怨

并序

竇使君序謫仙怨云劉隨州之辭未知本事及詳

其意但以貴妃為懷蓋明皇登駱谷之時實有思
賢之意竇之所製殊不述焉駢因更廣其辭蓋欲
兩全其事雖才情淺拙不逮二公而理或可觀貽
諸識者

晴山礙目橫天綠疊君王馬前鑾輅西巡蜀國龍顏東
望秦川曲江魂斷芳草妃子愁凝暮煙長笛此時吹
罷何言獨為嬋娟

御定全唐詩卷八百九十

欽定四庫全書薈要卷一萬八千二百九十六

真部

御定全唐詩卷八百九十一

杜牧 一首

八六子

洞房深畫屏燈照山色凝翠沈沈聽夜雨冷滴芭蕉驚
斷紅窗好夢龍煙細飄繡衾辭思久歸長信鳳帳蕭疎
椒殿閒局輦路苔侵繡簾垂遲遲漏傳丹禁舜華偷
悴翠鬟羞整愁坐望處金輿漸遠何時綵仗重臨正消

魂梧桐又移翠陰

崔懷寶

河南司隸
詞一首

憶江南

平生願願作樂中
箏得近玉人纖手
子研羅裙上放嬌
聲便死也為榮

鄭符

一首

閒中好

閒中好盡日松為侶
此趣人不知
輕風度僧語

段成式 一首

閒中好

閒中好塵務不縈心
坐對當窗木看移三面陰

張希復 一首

閒中好

閒中好幽磬度聲遲
卷上論題肇畫中僧姓支

溫庭筠

五十
九首

南歌子

歌或作柯
一名春宵曲

手裏金鸚鵡
胸前繡鳳凰
偷眼暗形相
不如從嫁與
作鴛鴦

似帶如絲柳
團酥握雪花
簾卷玉鉤斜
九衢塵欲暮
逐香車

倭墮低梳髻
連娟細掃眉
終日兩相思
為君憔悴盡
百花時

臉上金霞細
眉間翠鈿深
欹枕覆鴛衾
隔簾鶯百轉
感君心

撲蘂添黃子呵花滿翠鬟鴛枕映屏山月明三五夜對
芳顏

轉盼如波眼娉婷似柳腰花裏暗相招憶君腸欲斷恨
春宵

嬾拂鴛鴦枕休縫翡翠裙羅帳罷爐熏近來心更切為
思君

荷葉杯

一點露珠凝冷波影滿池塘綠莖紅豔兩相亂腸斷水

風涼

鏡水夜來秋月如雪采蓮時小娘紅粉對寒浪惆悵正
思惟

楚女欲歸南浦朝雨濕愁紅小船搖漾入花裏波起隔
西風

憶江南

千萬恨恨極在天涯山月不知心裏事水風空落眼前
花搖曳碧雲斜

梳洗罷獨倚望江樓過盡千帆皆不是斜暉脈脈水悠悠腸斷白蘋洲

蕃女怨

萬枝香雪開已遍細雨雙燕鈿蟬箏金雀扇畫梁相見鴈門消息不歸來又飛回

磧南沙上驚鴈起飛雪千里玉連環金鏃箭年年征戰畫樓離恨錦屏空杏花紅

遐方怨

憑繡檻解羅幃未得君書斷腸瀟湘春鴈飛不知征馬
幾時歸海棠花謝也雨霏霏

花半折雨初晴未卷珠簾夢殘惆悵聞曉鷓宿妝眉淺
粉山橫約鬢鸞鏡裏繡羅輕

訴衷情

一名一
絲風

鷓語花舞春晝午雨霏微金帶枕宮錦鳳凰帷柳弱燕
交飛依依遼陽音信稀夢中歸

定西番

漢使昔年離別攀弱柳折寒梅上高臺
千里玉關春雪雁來人不來羌笛一聲愁絕月裴回
海燕欲飛調羽萱草綠杏花紅隔簾櫳
雙鬢翠霞金縷一枝春豔濃樓上月明三五瑣窗中
細雨曉鶯春晚人似玉柳如眉正相思
羅幕翠簾初卷鏡中花一枝腸斷塞門消息鴈來稀

思帝鄉

花花滿枝紅似霞羅袖畫簾腸斷卓香車
回面共人閒

語戰篔金鳳斜惟有阮郎春盡不歸家

酒泉子

四首

花映柳條閒向綠萍池上凭欄干窺細浪雨蕭蕭近
來音信兩疎索洞房空寂寞掩銀屏垂翠箔度春宵

日映紗窗金鴨小屏山碧故鄉春煙靄隔背蘭缸宿

妝惆悵倚高閣千里雲影薄草初齊花又落燕雙飛

楚女不歸樓枕小河春水月孤明風又起杏花稀玉

釵斜簪雲鬟重裙上金縷鳳八行書千里夢鴈南飛

羅帶惹香猶繫別時紅豆淚痕新金縷舊斷離腸一
雙嬌燕語雕梁還是去年時節綠楊濃芳草歇柳花狂

玉蝴蝶

秋風淒切傷離行客未歸時塞外草先衰江南鴈到遲
芙蓉凋嫩臉楊柳墮新眉搖落使人悲斷腸誰得知

女冠子 二首

含嬌含笑宿翠殘紅窈窕鬢如蟬寒玉簪秋水輕紗卷
碧煙雪冑鸞鏡裏琪樹鳳樓前寄語青娥伴早求仙

霞帔雲髮鈿鏡仙容似雪畫愁眉遮語回輕扇含羞下
繡幃 玉樓相望久花洞恨來遲早晚乘鸞去莫相遺

歸國遙

國一作自
遙一作謠

香玉翠鳳寶釵垂景毅鈿筐交勝金粟越羅春水綠

畫堂照簾殘燭夢餘更漏促謝娘無限心曲曉屏山斷
續

雙臉小鳳戰篋金鮀豔舞衣無力風斂藕絲秋色染

錦帳繡幃斜掩露珠清曉簟粉心黃藥花靨黛眉山兩

點

菩薩蠻

小山重疊金明滅，鬢雲欲度香顚雪。
嬾起畫蛾眉，弄妝梳洗遲。
照花前後鏡，花面交相映。
新帖繡羅襦，雙雙金鷓鴣。

水精簾裏頗黎枕，暖香惹夢鴛鴦錦。
江上柳如煙，鴈飛殘月天。
藕絲秋色淺，人勝參差翦。
雙鬢隔香紅，玉釵頭上風。

藥黃無限當山額宿妝
隱笑紗窗隔相見牡丹時
暫來還別離
翠釵金作股釵上蝶雙舞
心事竟誰知月明
花滿枝

翠翹金縷雙瀉鷺水文細起
春池碧池上海棠梨雨晴
紅滿枝
繡衫遮笑靨煙草黏飛蝶
青瑣對芳菲玉闕
音信稀

杏花含露團香雪綠楊陌上多
離別燈在月朧明覺來
聞曉鶯
玉鈎寨翠幕妝淺舊眉薄
春夢正關情鏡中

蟬鬢輕

玉樓明月長相憶
柳絲婀娜春無力
門外草萋萋送君
聞馬嘶
畫羅金翡翠香燭銷成淚
花落子規啼綠窗
殘夢迷

鳳凰相對盤金縷
牡丹一夜經微雨
明鏡照新妝鬢輕
雙臉長
畫樓相望久
闌外垂絲柳
音信不歸來
社前
雙燕回

牡丹花謝鶯聲歇
綠楊滿院中
庭月相憶夢難成
背窗

燈半明 翠鈿金壓臉 寂寞香閨掩 人遠淚闌干 燕飛
春又殘

滿宮明月梨花白 故人萬里關山隔 金雁一雙飛 淚痕
霑繡衣 小園芳草綠 家住越溪曲 楊柳色依依 燕歸
君不歸

寶函鈿雀金 鷓鴣沈香閣 上吳山 碧楊柳 又如絲 驛橋
春雨時 畫樓音信斷 芳草江南 岼鸞鏡 與花枝 此情
誰得知

南園滿地堆輕絮
愁聞一霎清明雨
雨後却斜陽
杏花零落香無言
勻睡臉
枕上屏山掩
時節欲黃昏
無慘獨倚門

夜來皓月纔當午
重簾悄悄無人語
深處麝煙長
卧時留薄妝
當年還自惜
往事那堪憶
花露月明殘
錦衾知曉寒

雨晴夜合玲瓏日
萬枝香嫋紅絲拂
閒夢憶金堂
滿庭萱草長
繡簾垂
翠靱眉黛遠
山綠春水渡
溪橋凭闌

魂欲消

竹風輕動庭除冷珠簾月上玲瓏影山枕隱濃妝綠檀
金鳳凰 兩蛾愁黛淺故國吳宮遠春恨正闌情畫樓
殘點聲

玉纖彈處真珠落流多暗濕鉛華薄春露浥朝花秋波
浸晚霞 風流心上物本為風流出看取薄情人羅衣
無此痕

清平樂

上陽春晚宮女愁蛾淺
新歲清平思同輦
爭柰長安路遠
鳳帳鴛被徒熏
寂寞花瑣千門
競把黃金買賦為
妾將上明君

洛陽愁絕楊柳花飄雪
終日行人爭攀折
橋下水流嗚咽
上馬爭勸離觴
南浦鴛聲斷腸
愁殺平原年少回
首揮淚千行

更漏子

柳絲長
春雨細
花外漏聲迢遞
驚塞鴈起
城烏畫屏金

鷓鴣

香霧薄透簾幕惆悵謝家池閣紅燭背繡簾垂

夢長君不知

星斗稀鐘鼓歇簾外曉鶯殘月蘭露重柳風斜滿庭堆
落花 虛閣上倚闌望還似去年惆悵春欲暮思無窮
舊歡如夢中

金雀釵紅粉面花裏暫時相見知我意感君憐此情須
問天 香作穗蠟成淚還似兩人心意山枕膩錦衾寒
覺來更漏殘

相見稀相憶久眉淺淡煙如柳垂翠幕結同心待郎熏
繡衾城上月白如雪蟬鬢美人愁絕宮樹暗鵲橋橫
玉籤初報明

背江樓臨海月城上角聲嗚咽堤柳動島煙昏兩行征
鴈分京口路歸帆渡正是芳菲欲度銀燭盡玉繩低
一聲村落雞

玉爐香紅蠟淚偏照畫堂秋思眉翠薄鬢雲殘夜長衾
枕寒梧桐樹三更雨不道離情正苦一葉葉一聲聲

空階滴到明

河瀆神

河上望叢祠廟前春雨來時楚山無限鳥飛遲蘭櫂空
傷別離何處杜鵑啼不歇豔紅開盡如血蟬鬢美人
愁絕百花芳草佳節

孤廟對寒潮西陵風雨瀟瀟謝娘惆悵倚蘭橈淚流玉
筋千條暮天愁聽思歸樂早梅香滿山郭回首兩情
蕭索離魂何處飄泊

銅鼓賽神來滿庭幡蓋裴回水村江浦過風雷楚山如
畫煙開 離別艣聲空蕭索玉容惆悵妝薄青麥燕飛
落落卷簾愁對珠閣

河傳

江畔相喚曉妝鮮仙景箇女采蓮請君莫向那岸邊少
年好花新滿船 紅袖搖曳逐風軟垂玉腕腸向柳絲
斷浦南歸浦北歸莫知晚來人已稀

湖上閒望雨蕭蕭煙浦花橋路遙謝娘翠蛾愁不銷終

朝夢魂迷晚潮
蕩子天涯歸櫂遠
春已晚
鶯語空腸斷
若耶溪溪水西
柳堤不聞郎馬嘶

同伴相喚杏花稀
夢裏每愁依
違仙客一去燕已飛
不歸淚痕空滿衣
天際雲鳥引情遠
春已晚
煙靄渡南苑
雪梅香柳帶長
小娘轉令人意傷

木蘭花

即春曉曲
集作古詩

家臨長信往來道
乳燕雙雙拂煙草
油壁車輕金犢肥
流蘇帳曉春雞早
籠中嬌鳥暖猶睡
簾外落花閒不

掃衰桃一樹近前池似惜容顏鏡中老

皇甫松 十八首

竹枝

一名巴渝辭

檳榔花發

竹枝

鷓鴣啼

兒女

雄飛煙瘴

竹枝

雌亦飛

兒女

木棉花盡

竹枝

荔支垂

兒女

千花萬花

竹枝

待郎歸

兒女

芙蓉泣蒂

竹枝

一心連

兒女

花侵槁子

竹枝

眼應穿

兒女

筵中蠟燭

竹枝

淚珠紅

兒女

合歡桃核

竹枝

兩人同

兒女

斜江風起

竹枝

動橫波

兒女

劈開蓮子

竹枝

苦心多

兒女

山頭桃花

竹枝

谷底杏

女兒

兩花窈窕

竹枝

遙相映

女兒

摘得新

酌一卮須教玉笛吹錦筵紅蠟燭莫來遲繁紅一夜經
風雨是空枝

摘得新枝枝葉葉春管弦兼美酒最關人平生都得幾
十度展香茵

采蓮子

菡萏香連十頃陂

舉權

小姑貪戲采蓮遲

少年

晚來弄水船

頭濕擢更脫紅裙裹鴨兒少年

船動湖光濫濫秋擢貪看年少信船流少年無端隔水拋

蓮子擢遙被人知半日羞少年

拋球樂

紅撥一聲飄輕裘墜越綃帶翻金孔雀香滿繡蜂腰少
少拋分數花枝正索饒

金感花球小真珠繡帶垂幾回衝蠟燭千度入香懷上
客終須醉觥盃且亂排

憶江南

蘭燼落屏上暗紅蕉間夢江南梅熟日夜船吹笛雨瀟瀟
人語驛邊橋

樓上寢殘月下簾旌夢見秣陵惆悵事桃花柳絮滿江
城雙髻坐吹笙

天仙子

晴野鷺鷥飛一隻水蒨花發秋江碧劉郎此日別天仙
登綺席淚珠滴十二晚峰青歷歷

躑躅花開紅照水
鷓鴣飛遶青山紫
行人經歲始歸來
千萬里錯相倚
懊惱天仙應有以

怨回紇 二首

白首南朝女
愁聽異域歌
收兵頡利國
飲馬胡盧河
毳布腥膻久
穹廬歲月多
雕窠城上宿
吹笛淚滂沱
祖席駐征櫂
開帆候信潮
隔筵桃葉泣
吹管杏花飄
船去鷗飛閣
人歸塵上橋
別離惆悵淚
江路濕紅蕉

司空圖

一首

酒泉子

買得杏花十載歸來方始坼
假山西畔藥闌東滿枝紅
旋開旋落旋成空白髮
多情入更惜黃昏把酒祝東
風且從容

韓偓

三首

生查子

侍女動妝奩故故驚人睡
那知本未眠背面偷垂淚
嬾卸鳳凰釵羞入鴛鴦被
時復見殘燈和煙墜金穗

浣溪沙

攏鬢新妝玉步搖
背燈初解繡裙腰
枕寒衾冷異香焦
深院不關春寂寂
落花和雨夜迢迢
恨情殘醉却無聊

宿醉離愁慢髻鬟
六銖衣薄惹輕寒
慵紅悶翠掩青鸞
羅襪况兼金齒齒
雪肌仍是玉琅玕
骨香腰細更沈檀

張曙

小字阿灰侍郎
禕子詞一首

浣溪沙

枕障熏爐隔繡帷
二年終日苦相思
杏花明月始應知
天上人間何處去
舊歡新夢覺來時
黃昏微雨畫簾垂

鍾輻

江南人咸通末以廣文
生為蘇州院巡詞一首

卜算子慢

桃花院落煙重露寒
寂寞禁煙晴晝
風拂珠簾還記去
年時候
惜春心不喜
閒窗繡倚屏山
和衣睡覺醺醺暗

消殘酒 獨倚危闌久把玉筍偷彈黛蛾輕鬪一點相思萬般自家甘受抽金釵欲買丹青手寫別來容顏寄與使知人清瘦

御定全唐詩卷八百九十一

謹案卷八百九十第四頁前八行玉階空佇立按
歷代詩餘玉階作闌干

第五頁前四行宸衷教在誰邊按歷代詩餘宸衷
作宸遊

卷八百九十一第三頁後三行正思惟按詞綜一
作正相思

第十四頁後八行十二晚峰青歷歷按詞綜青作
高



東 華 書 局

總校官庶吉士臣張能照

校對官中書臣張 埏

謄錄監生臣王朝寧

欽定四庫全書薈要

集部

欽定全唐詩卷八百九十四

二至
四

詳校官原任主事_臣李斯咏



欽定四庫全書
藝文四庫全書
詩部
卷八千二百九十七
集部

御定全唐詩卷八百九十二

韋莊

五十二首

訴衷情

燭燼香殘簾半卷
夢初驚
花欲謝
深夜月籠明
何處按歌聲
輕輕舞衣塵暗生
負春情

碧沼紅芳煙雨靜
倚蘭橈
垂玉佩
交帶
娟纖腰
鴛鴦夢隔
星橋迢迢越羅香
暗銷墜花翹

天仙子

悵望前回夢裏期
看花不語苦尋思
露桃宮裏小腰肢
看眼細鬢雲垂
惟有多情宋玉知

深夜歸來長酩酊
扶入流蘇猶未醒
醺醺酒氣麝蘭和
驚睡覺笑呵呵
長笑人生能幾何

蟾彩霜華夜不分
天外鴻聲枕上聞
繡衾香冷嬾熏熏
人寂寂葉紛紛
纔睡依前夢見君

夢覺雲屏依舊空
杜鵑聲咽隔簾櫳
玉郎薄倖去無蹤

一日日恨重重淚界蓮顚兩線紅

金似衣裳玉似身眼如秋水鬢如雲霞帶月帔一羣羣
來洞口望煙分劉阮不歸春日曛

江城子

城一作神一
名水晶簾

恩重嬌多情易傷漏更長解鴛鴦朱脣未動先覺口脂
香緩揭繡衾抽皓腕移鳳枕枕檀郎

髻鬟狼藉黛眉長出蘭房別檀郎角聲嗚咽星斗漸微
茫露冷月殘人未起畱不住淚千行

定西番

挑盡金燈紅燼人灼灼漏遲遲未眠時斜倚銀屏無語
閒愁上翠睂悶殺梧桐殘雨滴相思

芳草叢生縷結花豔艷雨濛濛曉庭中塞遠久無音問
愁銷鏡裏紅紫燕黃鸝猶至恨何窮

思帝鄉

雲髻墜鳳釵垂髻墜釵垂無力枕函歌翡翠屏深月落
漏依依說盡人間天上兩心知

春日遊杏花吹滿頭陌上誰家年少足風流妾擬將身
嫁與一生休縱被無情棄不能羞

上行杯

芳草灞陵春岸柳煙深滿樓弦管一曲離聲腸寸斷
今日送君千萬紅縷玉盤金鏤盞須勸珍重意莫辭滿
白馬玉鞭金轡少年郎離別容易迢遞去程千萬里
惆悵異鄉雲水滿酌一杯勸和淚須愧珍重意莫辭醉

酒泉子

月落星沈樓上美人春睡綠雲歌金枕膩畫屏深
子規啼破相思夢曙色東方纔動柳煙輕花露重思難任

女冠子 二首

四月十七正是去年今日別君時忍淚佯低面含羞半
斂眉不知魂已斷空有夢相隨除却天邊月没人知
昨夜夜半枕上分明夢見語多時依舊桃花面頰低柳
葉眉半羞還半喜欲去又依依覺來知是夢不勝悲

浣溪沙

清曉妝成寒食天
柳球斜媚間花鈿
卷簾直出畫堂前
指點牡丹初綻朵
日高猶自凭朱闌
含嚔不語恨春殘

欲上鞦韆四體慵
擬交人送又心忪
畫堂簾幕月明風
此夜有情誰不極
隔牆梨雪又玲瓏
玉容憔悴惹微

紅

惆悵夢餘山月斜
孤燈照壁背紅紗
小樓高閣謝娘家
暗想玉容何所似
一枝春雪凍梅花
滿身香霧簇朝

霞

綠樹藏鶯鶯正啼
柳絲斜拂白銅鞮
弄珠江上草萋萋
日暮飲歸何處客
繡鞍驄馬一聲嘶
滿身蘭麝醉如

泥

夜夜相思更漏殘
傷心明月凭闌干
想君思我錦衾寒
咫尺畫堂深似海
憶來惟把舊書看
幾時攜手入長安

歸國遙

春欲暮滿地落花紅帶雨惆悵玉籠鸚鵡單棲無伴侶
南望去程何許問花花不語早晚得同歸去恨無雙
翠羽

金翡翠為我南飛傳我意
卷畫橋邊春水幾年花下醉
別後只知相愧淚珠難遠寄
羅幕繡幃鴛鴦被舊歡如
夢裏

春欲晚戲蝶遊蜂花爛漫
日落謝家池館柳絲金縷斷
睡覺綠鬟風亂畫屏雲雨散
閒倚博山長歎淚流霑

皓腕

菩薩蠻

紅樓別夜堪惆悵
香燈半卷流蘇帳
殘月出門時
美人和淚辭
琵琶金翠羽
弦上黃鶯語
勸我早歸家
綠窗人似花

人人盡說江南好
遊人只合江南老
春水碧於天
畫船聽雨眠
壚邊人似月
皓腕凝雙雪
未老莫還鄉
還鄉須斷腸

如今却憶江南樂當時年少春衫薄騎馬倚斜橋滿樓
紅袖招翠屏金屈曲醉入花叢宿此度見花枝白頭
誓不歸

勸君今夜須沈醉尊前莫話明朝事珍重主人酒深
情亦深須愁春漏短莫訴金杯滿遇酒且呵呵人生
能幾何

洛陽城裏春光好洛陽才子他鄉老柳暗魏王堤此時
心轉迷桃花春水滌水上鴛鴦浴凝恨對殘暉憶君

君不知

更漏子

鐘鼓寒樓閣
暝月照古桐
金井深院閉
小庭空
落花香露紅
煙柳重
春霧薄
燈背水窗高
閣閒倚戶
暗霑衣
待郎郎不歸

謁金門

一名花自落
一名垂楊碧
一名出塞

春雨足
染就一溪新綠
柳外飛來雙羽玉
弄晴相對浴
樓外翠簾高軸
倚遍闌干幾曲
雲淡水平煙樹簇
寸

心千里目

春漏促金燼暗挑殘燭一夜簾前風撼竹夢魂相斷續
有箇嬌嬈如玉夜夜繡屏孤宿閒抱琵琶尋舊曲遠
山眉黛綠

空相憶無計得傳消息天上嫦娥人不識寄書何處覓
新睡覺來無力不忍把君書跡滿院落花春寂寂斷
腸芳草碧

清平樂

春愁南陌故國音書隔
細雨霏霏梨花白
燕拂畫簾金
額盡日相望
王孫塵滿衣
上淚痕誰向橋邊吹笛
駐馬西望銷魂

野花芳草寂寞關山道
柳吐金絲鶯語早
惆悵香閨暗
老羅帶悔結同心
獨凭朱闌思深夢覺
半牀斜月小
窗風觸鳴琴

何處遊女蜀國多雲雨
雲解有情花解語
翠地繡羅金
縷妝成不整
金鈿含羞待月
鞦韆住在綠槐陰裏
門

臨春水橋邊

鶯啼殘月繡閣香燈滅門外馬嘶郎欲別正是落花時
節妝成不畫蛾眉含愁獨倚金扉去路香塵莫掃掃
即郎去歸遲

瑣窗春暮滿地梨花雨君不歸來情又去紅淚散霑金
縷夢魂飛斷煙波傷心不奈春何空把金針獨坐鴛
鴦愁繡雙窠

綠楊春雨金線飄千縷花拆香枝黃鸝語玉勒雕鞍何

處 碧窗望斷燕鴻翠簾睡眼溟濛寶瑟誰家彈罷舍
悲斜倚屏風

喜遷鶯

即鷓鴣
冲天

人洶洶鼓鼙鼙襟袖五更風大羅天上月朦朧騎馬上
虛空 香滿衣雲滿路鸞鳳遶身飛舞霓旌絳節一羣
羣引見玉華君

街鼓動禁城開天上探人回鳳銜金榜出雲來平地一
聲雷 鶯已遷龍已化一夜滿城車馬家家樓上簇神

仙爭看鶴冲天

應天長

綠槐陰裏黃鶯語
深院無人春晝午
畫簾垂金鳳舞
寂寞繡屏香一炷
碧天雲無定處
空有夢魂來去
夜夜綠窗風雨
斷腸君信否

別來半歲音書絕
一寸離腸千萬結
難相見易相別
又是玉樓花似雪
暗相思無處說
惆悵夜來煙月
想得此時情切
淚霑紅袖
駝

荷葉杯

絕代佳人難得傾國花下見無期一雙愁黛遠山眉不
忍更思惟 閒掩翠屏金鳳殘夢羅幕畫堂空碧天無
路信難通惆悵舊房櫳

記得那年花下深夜初識謝娘時水堂西面畫簾垂攜
手暗相期 惆悵曉鶯殘月相別從此隔音塵如今俱
是異鄉人相見更無因

河傳

何處煙雨隋堤春暮柳色蔥蘢畫橈金縷翠旗高颭香
風水光融 青娥殿脚春妝媚輕雲裏綽約司花妓江
都宮闕清淮月映迷樓古今愁

春晚風暖錦城花滿狂殺遊人玉鞭金勒尋勝馳驟輕
塵惜良辰 翠蛾爭勸臨卣酒纖纖手拂面垂絲柳歸
時煙裏鐘鼓正是黃昏暗銷魂

錦浦春女繡衣金縷霧薄雲輕花深柳暗時節正是清
明雨初晴 玉鞭魂斷煙霞路鶯鶯語一望巫山雨香

塵隱映遙望翠檻紅樓黛眉愁

怨王孫

與河傳月照梨花二詞同調

錦里蠶市滿街珠翠千萬紅妝玉蟬金雀寶髻花簇鳴
璫繡衣長日斜歸去人難見青樓遠隊隊行雲散不
知今夜何處深鎖蘭房隔仙鄉

木蘭花

獨上小樓春欲暮愁望玉闌芳草路消息斷不逢人却
斂細眉歸繡戶坐看落花空歎息羅袂溼斑紅淚滴

千山萬水不曾行
魂夢欲教何處覓

小重山

一閉昭陽春又春
夜寒宮漏永
夢君恩
卧思陳事暗消
魂
羅衣濕紅袂
有啼痕
歌吹隔重閣
遶庭芳草綠
倚
長門萬般惆悵
向誰論
凝情立
宮殿欲黃昏

望遠行

欲別無言倚畫屏
含恨暗傷情
謝家庭樹錦雞鳴
殘月
落邊城
人欲別
馬頻嘶
綠槐千里長堤
出門芳草路

萋萋雲雨別來易東西不忍別君後却入舊香閨

牛嶠

二十七首

憶江南

銜泥燕飛到畫堂前占得杏梁安穩處體輕惟有主人
憐堪羨好因緣

紅繡被兩兩間鴛鴦不是鳥中偏愛爾為緣交頸睡南
塘全勝薄情郎

西溪子

捍撥雙盤金鳳蟬鬢玉釵搖動畫堂前人不語弦解語
彈到昭君怨處翠蛾愁不擡頭

江城子

鷓鴣飛起郡城東碧江空半灘風越王宮殿蘋葉藕花
中簾卷水樓魚浪起千片雪雨濛濛

極浦煙消水鳥飛離筵分手時送金卮渡口楊花狂雪
任風吹日暮空江波浪急芳草岸柳如絲

定西番

紫塞月明千里金甲冷戍樓寒夢長安
鄉思望中天
閣漏殘星亦殘畫角數聲嗚咽雪漫漫

望江怨

東風急惜別花時手頻執羅幃愁獨入馬嘶殘雨春蕪
溼倚門立寄語薄情郎粉香和淚泣

女冠子

四首

綠雲高髻點翠勻紅時世月如眉淺笑含雙靨低聲唱
小詞
眼看惟恐化魂蕩欲相隨玉趾回嬌步約佳期

錦江煙水卓女燒春濃美小檀霞繡帶芙蓉帳金釵芍
藥花 額黃侵膩髮臂釧透紅紗柳暗鶯啼處認郎家
星冠霞帔住在藥珠宮裏佩丁當明翠搖蟬翼纖珪理
宿妝 醮壇春晝綠藥院杏花香青鳥傳心事寄劉郎
雙飛雙舞春晝後園鶯語卷羅幃錦字書封了銀河雁
過遲 鴛鴦排寶帳豆蔻繡連枝不語勻珠淚落花時

酒泉子

記得去年煙暖杏園花正發雪飄香江草綠柳絲長

鈿車纖手卷簾望眉學春山樣鳳釵低媚翠鬟上落梅
妝

菩薩蠻

舞帶香暖金泥鳳畫梁語燕驚殘夢門外柳花飛玉郎
猶未歸 愁勻紅粉淚眉翦春山翠何處是遼陽錦屏
春晝長

柳花飛處鶯聲急晴街春色香車立金鳳小簾開臉波
和恨來 今宵求夢想難到青樓上贏得一場愁鴛衾

誰竝頭

玉釵風動春幡急
交枝紅杏籠煙泣
樓上望卿卿
窗寒新雨晴
熏爐蒙翠被
繡帳鴛鴦睡
何處有相知
羨他初畫眉

畫屏重疊巫陽翠
楚神尚有行雲意
朝暮幾般心
向他情謾深
風流今古隔
虛作瞿塘客
山月照山花
夢回燈影斜

風簾燕舞鶯啼柳
妝臺約鬢低
纖手釵重髻
盤珊一枝

紅牡丹 門前行樂客白馬嘶春色故故墜金鞭回頭
應眼穿

綠雲鬢上飛金雀愁眉斂翠春煙薄香閣掩芙蓉畫屏
山幾重 窗寒天欲曙猶結同心苴啼粉浣羅衣問郎
何日歸

玉爐冰簟鴛鴦錦粉融香汗流山枕簾外轆轤聲斂眉
含笑驚 柳陰煙漠漠低鬢蟬釵落須作一生拌盡君
今日歡

更漏子

星漸稀漏頻轉何處輪臺聲怨香閣掩杏花紅月明楊
柳風挑錦字記情事惟願兩心相似收淚語背燈眠
玉釵橫枕邊

春夜闌更漏促金燼暗挑殘燭驚夢斷錦屏深兩鄉明
月心 閨草碧望歸客還是不知消息孤負我悔憐君
告天天不聞

南浦情紅粉淚爭奈兩人深意低翠黛卷征衣馬嘶霜

葉飛 招手別寸腸結還是去年時節書託雁夢歸家
覺來江月斜

感恩多

兩條紅粉淚多少香閨意彊攀桃李枝斂愁眉 陌上
鶯啼蜨舞柳花飛柳花飛願得郎心憶家還早歸

自從南浦別愁見丁香結近來情轉深憶鴛衾 幾度
將書託煙雁淚盈襟淚盈襟禮月求天願君知我心

應天長

玉樓春望晴煙滅舞衫斜卷金條脫黃鸝嬌轉聲初歇
杏花飄盡龍山雪鳳釵低赴節筵上王孫愁絕鴛鴦
對銜羅結兩情深夜月

雙眉澹薄藏心事清夜背燈嬌又醉玉釵橫山枕膩寶
帳鴛鴦春睡美別經時無限意虛道相思憔悴莫信
綵牋書裏賺人腸斷字

木蘭花

春入橫塘搖淺浪花落小園空惆悵此情誰信為狂夫

恨翠愁紅流枕上
小玉窗前嗔燕語
紅淚滴穿金線
縷雁歸不見
報郎歸織成錦字封過與

御定全唐詩卷八百九十二

欽定四庫全書薈要卷一萬八千二百九十八

集部

御定全唐詩卷八百九十三

毛文錫

字平珪登進士第後事蜀為翰林學士遷內樞密使歷文思殿大學士司徒詞三十一首

西溪子

昨夜西溪遊賞芳樹奇花千樣鎖春光金尊滿聽弦管
嬌妓舞衫香暖不覺到斜暉馬馱歸

何滿子

何一作河

紅粉樓前月照碧紗窗外鶯啼夢斷遼陽音信那堪獨

守空閨恨對百花時節王孫綠草萋萋

訴衷情

一名桃
花水

桃花流水漾縱橫春晝彩霞明劉郎去阮郎行惆悵恨
難平
愁坐對雲屏筭歸程何時攜手洞邊迎訴衷情
鴛鴦交頸繡衣輕碧沼藕花馨偎藻荇映蘭汀和雨浴
浮萍
思婦對心驚想邊庭何時解佩掩雲屏訴衷情
中興樂
豆蔻花絲煙艷深丁香軟結同心翠鬟女相與共淘金

紅蕉葉裏猩猩語
鴛鴦浦鏡中鸞
舞絲雨隔荔枝陰

醉花間

二首

休相問怕相問相問還添恨
春水滿塘生鷓鴣還相趁
昨夜雨霏霏臨明寒一陣
偏憶戍樓人久絕邊庭信
深相憶莫相憶相憶情難極
銀漢是紅牆一帶遙相隔
金盤珠露滴兩岸榆花白
風搖玉佩清今夕為何夕

酒泉子

綠樹春深燕語鶯啼聲
斷續惠風飄蕩入芳叢
惹殘紅

柳絲無力嫋煙空
金盞不辭須滿酌
海棠花下思朦朧
醉春風

紗窗恨

新春燕子還來至
一雙飛壘巢泥溼
時時墜
浣人衣
後園裏看百花發
香風拂繡戶
金扉月照紗窗恨
依依
雙雙蝶翅塗鉛粉
啣花心綺窗繡戶飛來穩
畫堂陰
二三月愛隨風絮
伴落花來拂衣襟
更剪輕羅片傳黃

金

戀情深

滴滴銅壺寒漏咽
醉紅樓月宴餘香
殿會鴛衾蕩春心
真珠簾下曉光侵
鶯語隔瓊林寶帳
欲開慵起戀情深

玉殿春濃花爛漫
簇神仙伴羅裙
窈地縷黃金奏清音
酒闌歌罷兩沈沈
一笑動君心
永願作鴛鴦伴
戀情深

浣溪沙

七夕年年信不違，銀河清淺白雲微。
蟾光鵲影伯勞飛，每恨蟪蛄憐婺女，
幾回嬌妒下鴛機。今宵嘉會兩依依。

攤破浣溪沙

春水輕波浸綠苔，枇杷洲上紫檀開。
晴日眠沙鷺鷥穩，暝相偎。羅襪生塵遊女過，
有人逢著弄珠回。蘭麝飄香初解佩，
忘歸來。

贊浦子

錦帳添香睡金爐換夕薰
嬾結芙蓉帶慵拖翡翠裙
正是柳天桃媚那堪暮雨朝雲
宋玉高唐意裁瓊欲贈君

巫山一段雲

雨霽巫山上雲輕映碧天
遠風吹散又相連十二晚峰
前暗濕啼猿樹高籠過客船
朝朝暮暮楚江邊幾度
降神仙

貌掩巫山色才過濯錦波
阿誰提筆上銀河月裏寫婦

娥 薄薄施鉛粉盈盈挂綺羅
菖蒲花役夢魂多年代
屬元和

柳含煙

隋堤柳汴河旁夾岸綠陰千里
龍舟鳳舸木蘭香錦帆
張 因夢江南春景好一路流蘇羽葆笙歌未盡起橫
流鎖春愁

河橋柳占芳春映水含煙拂路幾回攀折贈行人暗傷
神 樂府吹為橫笛曲能使離腸斷續不如移植在金

門近天恩

章臺柳近垂旒低拂往來冠蓋朦朧春色滿皇州瑞煙
浮直與路邊江畔別免被離人攀折最憐京兆畫蛾
眉葉織時

御溝柳占春多半出宮牆婀娜有時倒景醮輕羅麴塵
波昨日金鑿巡上苑風亞舞腰纖軟栽培得地近皇
宮瑞煙濃

更漏子

春夜闌春恨切花外子規啼月人不見夢難憑紅紗一點燈
偏怨別是芳節庭下丁香千結宵霧散曉霞暉
梁間雙燕飛

喜遷鶯

芳春景暖晴煙喬木見鶯遷傳枝俚葉語闐闐飛過綺
叢間錦翼鮮金毳輦百轉千嬌相喚碧紗窗曉怕聞
聲驚破鴛鴦暖

應天長

平江波暖鴛鴦語兩兩釣船歸極浦蘆洲一夜風和雨
飛起淺沙翹雪鷺漁燈明遠渚蘭櫂今宵何處羅袂
從風輕舉愁殺采蓮女

月宮春

水晶宮裏桂花開神仙探幾回紅芳金蕊繡重臺低傾
瑪瑙杯玉兔銀蟾爭守護姮娥姹女戲相偎遙聽鈞
天九奏玉皇親看來

虞美人

鴛鴦對浴銀塘暖水面蒲梢短垂楊低拂麴塵波蛛絲
結網露珠多滴圓荷遙思桃葉吳江碧便是天河隔
錦鱗紅鬣影沈沈相思空有夢相尋意難任

寶檀金縷鴛鴦枕綬帶盤宮錦夕陽低映小窗明南園
綠樹語鶯鶯夢難成玉爐香煖頻添炷滿地飄輕絮
珠簾不卷度沈煙庭前閒立畫鞦韆艷陽天

臨江仙

暮蟬聲盡落斜陽銀蟾影挂瀟湘黃陵廟側水茫茫楚

山紅樹煙雨隔高唐
岸泊漁燈風颭碎白蘋
遠散濃香
靈娥鼓瑟韻清商
朱弦淒切雲散碧天長

接賢賓

香鞦褭五色驄
值春景初融
流珠噴沫躩蹠汗血流
紅少年公子能乘馭
金鑣玉轡瓏璁為惜珊瑚鞭
不下驕生百步千蹤
信穿花從拂柳向九陌追風

贊成功

海棠未坼萬點深紅
香包緘結一重重
似含羞態邀勒

春風蜂來蝶去任遶芳叢
昨夜微雨飄灑庭中忽聞
聲滴井邊桐美人驚起坐聽
晨鐘快教折取戴玉瓏璁

甘州遍

春光好公子愛閒遊足風流
金鞍白馬雕弓寶劍紅纓
錦襜出長楸花蔽膝玉銜頭
尋芳逐勝歡宴絲竹不
曾休美人唱揭調是甘州
醉紅樓堯年舜日樂聖永無
憂

秋風緊平磧雁行低陣雲齊
蕭蕭颯颯邊聲四起愁聞

戍角與征鼙 青塚北黑山西沙飛聚散無定往往路
人迷鐵衣冷戰馬血霑蹄破蕃奚鳳皇詔下步步躡丹
梯

和凝 二十四首

漁父

白芷汀寒立鷺鷥蘋風輕翦浪花時煙幕幕日遲遲香
引芙蓉惹釣絲

天仙子

柳色披衫金縷鳳纖手輕拈紅豆弄翠蛾雙斂正含情
桃花洞瑤臺夢一片春愁誰與共

洞口春紅飛軟軟仙子含愁眉黛綠阮郎何事不歸來
嬾燒金慵篆玉流水桃花空斷續

江城子

初夜含嬌入洞房理殘妝柳眉長翡翠屏中親爇玉爐
香整頓金鈿呼小玉排紅燭待潘郎

竹裏風生月上門理秦箏對雲屏輕撥朱弦恐亂馬嘶

聲含恨含嬌獨自語今夜約太遲生

斗轉星移玉漏頻已三更對棲鶯歷歷花間似有馬蹄
聲含笑整衣開繡戶斜斂手下階迎

迎得郎來入繡闈語相思連理枝鬢亂釵垂梳墮印山
眉姪姘含情嬌不語纖玉手撫郎衣

帳裏鴛鴦交頸情恨難聲天已明愁見街前還是說歸
程臨上馬時期後會待梅綻月初生

何滿子

正是破瓜年幾含情慣得人饒桃李精神鸚鵡舌可堪
虛度良宵却愛藍羅帶子羨他長束纖腰

寫得魚牋無限其如花鎖春暉目斷巫山雲雨空教殘
夢依依却愛熏香小鴨羨他長在屏幃

望梅花

春草全無消息臘雪猶餘蹤跡越嶺寒枝香自折冷艷
竒芳堪惜何事壽陽無處覓吹入誰家橫笛

薄命女

一名長命女

天欲曉宮漏穿花聲繚繞窗裏星光少
冷露寒侵帳
額殘月光沈樹杪夢斷錦幃空悄悄
彊起愁眉小

春光好

一名愁
倚欄令

紗窗暖畫屏間
鞦韆雲鬟睡起四肢無力半春閒
玉指
翦裁羅勝金盤點綴酥山
窺宋深心無限事小眉彎

蘋葉軟杏花明
畫船輕雙浴鴛鴦出綠汀
擢歌聲
春
水無風無浪
春天半雨半晴
紅粉相隨南浦晚
幾含情

采桑子

蝓蟻領上訶梨子繡帶雙垂椒戶閒時競學擣捕賭荔
支叢頭鞋子紅編細帟罕金絲無事頻眉春思翻教
阿母疑

菩薩蠻

越梅半拆輕寒裏冰清澹薄籠藍水暖覺杏梢紅遊絲
狂惹風閒階莎徑碧遠夢猶堪惜離恨又迎春相思
難重陳

喜遷鶯

曉月墜宿雲披銀燭錦屏帷建章鐘動玉繩低宮漏出
花遲春態淺來雙燕紅日漸長一線嚴妝欲罷嚙黃
鸝飛上萬年枝

山花子

鶯錦蟬縠馥麝臍輕裾花草曉煙迷瀾瀾戰金紅掌墜
翠雲低星靨笑偎霞臉畔感金開襜襯銀泥春思半
和芳草嫩碧萋萋

銀字笙寒調正長水文簾冷畫屏涼玉腕重金扼臂淡

梳妝 幾度試香纖手暖
一回嘗酒絳脣光
佯弄紅絲繩拂子打檀郎

臨江仙

海棠香老春江晚
小樓霧縠空濛
翠鬟初出繡簾中
麝煙鸞佩惹蘋風
碾玉釵搖鵝鵝戰
雪肌雲鬢將融合
情遙指碧波東
越王臺殿蓼花紅

披袍窈地紅宮錦
鶯語時轉輕音
碧羅冠子穩犀簪
鳳凰雙颭步搖金
肌骨細勻紅玉
軟臉波微送春心
嬌

羞不肯入鴛衾蘭膏光裏兩情深

小重山

春入神京萬木芳禁林鶯語滑蝶飛狂曉花擎露妒啼
妝紅日永風和百花香 煙鎖柳絲長御溝澄碧水轉
池塘時時微雨洗風光天衢遠到處引笙簧

正是神京爛漫時羣仙初折得却詵枝烏犀白紵最相
宜精神出御陌袖鞭垂 柳色展愁眉管弦分響亮探
花期光陰占斷曲江池新榜上名姓徹丹墀

麥秀兩岐

涼簟鋪斑竹，鴛枕並紅玉。
臉蓮紅，眉柳綠，胸雪宜新浴。
淡黃衫子裁春縠，異香芬馥。
羞道交回燭，未慣雙雙宿。
樹連枝，魚比目，掌上腰如束。
嬌嬈不爭人，拳跼黛眉微蹙。

牛希濟 十二首

生查子

春山煙欲收，天澹星稀小。
殘月臉邊明，別淚臨清曉。

語已

一本無此字

多情未了回首猶重道記得綠羅裙處處

憐芳草

新月曲如眉未有團團意紅豆不堪看滿眼相思淚
終日劈桃穰人在心兜裏兩朶隔牆花早晚成連理

中興樂

即濕羅衣

池塘暖碧浸晴暉濛濛柳絮輕飛紅藥凋來醉夢還稀
春雲空有雁歸珠簾垂東風寂寞恨郎拋擲淚濕羅

衣

酒泉子

枕轉簾涼清曉遠鐘殘夢月光斜簾影動舊爐香
夢
中說盡相思事纖手勻雙淚去年書今日意斷人腸

謁金門

秋已暮重疊關山岐路嘶馬搖鞭何處去曉禽霜滿樹
夢斷禁城鐘鼓淚滴枕檀無數一點凝紅和薄霧翠
蛾愁不語

臨江仙

峭碧參差十二峰，冷煙寒樹重重。
瑤姬宮殿是仙蹤，金爐珠帳香靄晝偏濃。
一自楚王驚夢斷，人間無路相逢。
至今雲雨帶愁容，月斜江上征櫂動晨鐘。

謝家仙觀寄雲岑，崑蘿拂地成陰。
洞房不閉白雲深，當時丹竈一粒化黃金。
石壁霞衣猶半挂，松風長似鳴琴。
時聞唳鶴起前林，十洲高會何處許相尋。

渭闕宮城秦樹凋，玉樓獨上無憀。
含情不語自吹簫，調清和恨天路逐風飄。
何事乘龍人忽降，似知深意相

招三清攜手路非遙
世間屏障彩筆畫嬌嬈

江繞黃陵春廟閒
嬌鶯獨語闌闌滿
庭重疊綠苔斑
陰雲無事四散自歸山
簫鼓聲稀香燼冷
月娥斂盡彎環
風流皆道勝人間
須知狂客判死為紅顏

素洛春光潏滌平
千重媚臉初生
凌波羅襪勢輕輕
煙籠日照珠翠半分明
風引寶衣疑欲舞
鸞回鳳翥堪驚也
知心許恐無成
陳王辭賦千載有聲名

柳帶搖風漢水濱
平蕪兩岸爭勻
鴛鴦對浴浪痕新
弄

珠遊女微笑自含春
輕步暗移蟬鬢動羅裙
風惹輕塵水精宮殿
豈無因空勞纖手
解佩贈情人

洞庭波浪颭晴天
君山一點凝煙
此中真境屬神仙
玉樓珠殿相映月輪邊
萬里平湖秋色冷
星辰垂影參然
橘林霜重更紅鮮
羅浮山下有路暗相連

御定全唐詩卷八百九十三

欽定四庫全書薈要卷一萬八千二百九十九

集部

御定全唐詩卷八百九十四

薛昭蘊

蜀侍郎詞
十九首

相見歡

羅襦繡袂香紅畫堂中
細草平沙蕃馬小屏風
卷羅幕
凭妝閣思無窮
暮雨輕煙魂斷隔簾櫳

醉公子

一名四
換頭

慢綰青絲髮光研吳綾
鞞牀上小熏籠韶州新
退紅

巨耐無端處，捨得從頭汗。惱得眼慵開，問人間事來。

女冠子

求仙去也。翠鈿金篋，盡捨入巖巖。霧卷黃羅，帔雲雕白玉冠。野煙溪洞冷，林月石橋寒。靜夜松風下，禮天壇。

雲羅霧縠，新授明威法籙。降真函，髻縮青絲，髮冠抽碧玉簪。往來雲過五，去住鳥經三。正遇劉郎使，啓瑤緘。

浣溪沙

紅蓼渡頭秋正雨，印沙鷗跡自成行。整鬟飄袖野風香。

不語含嚙深浦裏幾回愁煞擢船郎燕歸帆盡水茫茫

鈿匣菱花錦帶垂靜臨蘭檻卸頭時約鬟低珥算歸期
花茂草青湘渚闊夢餘空有漏依依二年終日損芳菲

粉上依稀有淚痕郡庭花落欲黃昏遠情深恨與誰論
記得去年寒食日延秋門外卓金輪日斜人散暗銷魂

握手河橋柳似金蜂須輕惹百花心蕙風蘭思寄清琴
意滿便同春水滿情深還似酒杯深楚煙湘月兩沈
沈

簾外三間出寺牆滿街垂柳綠陰長嫩紅輕翠間濃妝
瞥地見時猶可可却來閒處暗思量如今情事隔仙

鄉

江館清秋纜客船故人相送夜開筵麝煙蘭燄簇花鈿
正是斷魂迷楚雨不堪離恨咽湘弦月高霜白水連

天

傾國傾城恨有餘，幾多紅淚泣姑蘇。
倚風凝睇雪肌膚，吳主山河空落日。
越王宮殿半平蕪，藕花菱蔓滿平湖。

越女淘金春水上，步搖雲鬢佩鳴璫。
渚風江草又清香，不為遠山凝翠黛。
只應含恨向斜陽，碧桃花謝憶劉郎。

郎

謁金門

春滿院疊損羅衣金線睡覺水精簾未卷簾前雙語燕
斜掩金鋪一扇滿地落花千片早是相思腸欲斷忍
教頻夢見

喜遷鶯

殘蟾落曉鐘鳴羽化覺身輕乍無春睡有餘醒杏苑雪
初晴紫陌長襟袖冷不是人間風景回看塵土似前
生休羨谷中鷲

金門曉玉京春駿馬驟輕塵樺煙深處白衫新認得化

龍身 九陌喧千戶啟滿袖桂香風細杏園歡宴曲江
濱自此占芳辰

清明節雨晴天得意正當年馬驕泥軟錦連乾香袖半
籠鞭 花色融人競賞盡是繡鞍朱鞅日斜無計更留
連歸路草和煙

小重山

春到長門春草青玉階華露滴月朧明東風吹斷紫簫
聲宮漏促簾外曉唳鴛 愁極夢難成紅妝流宿淚不

勝情手接裙帶遶花行思君切羅幌暗塵生

秋到長門秋草黃畫梁雙燕去出宮牆玉簫無復理霓
裳金蟬墜鸞鏡掩休妝憶昔在昭陽舞衣紅綬帶繡
鴛鴦至今猶惹御爐香魂夢斷愁聽漏更長

離別難

寶馬曉鞞雕鞍羅幃乍別情難那堪春景媚送君千萬
里半妝珠翠落露華寒紅蠟燭青絲曲偏能鉤引淚闌
干良夜促香塵綠魂欲迷檀眉半斂愁低未別心先

咽欲語情難說出芳草路東西
搖袖立春風急櫻花楊柳雨
淒淒

顧夔

五十
五首

荷葉杯

春盡小庭花落寂寞凭檻
斂雙眉忍教成病憶佳期
知摩知知摩知

歌發誰家筵上寥亮別恨
正悠悠蘭釭背帳月當樓
愁摩愁愁摩愁

弱柳好花盡折晴陌陌上少年郎滿身蘭麝撲人香狂
摩狂狂摩狂

記得那時相見膽戰鬢亂四肢柔泥人無語不擡頭羞
摩羞羞摩羞

夜久歌聲怨咽殘月菊冷露微微看看濕透縷金衣歸
摩歸歸摩歸

我憶君詩最苦知否字字盡關心紅牋寫寄表情深吟
摩吟吟摩吟

金鴨香濃駕被枕
膩小髻簇花鈿
腰如細柳臉如蓮
憐憐憐憐憐

曲砌蝶飛煙暖春
半花發柳垂條
花如雙臉柳如腰
嬌嬌嬌嬌嬌

一去又乖期
信春盡滿院長
莓苔手按裙帶
獨裏回來
摩來來摩來

甘州子

一爐龍麝錦帷傍
屏掩映燭熒煌
禁樓刁斗喜初長
羅

薦繡鴛鴦山枕上私語口脂香

每逢清夜與良晨多悵望足傷神
雲迷水隔意中人寂寞繡羅茵
山枕上幾點淚痕新

曾如劉阮訪仙蹤深洞客此時逢
綺筵散後繡衾同款曲見韶容
山枕上長是怯晨鐘

露桃花裏小樓深持玉盞聽瑤琴
醉歸青瑣入鴛衾月色照衣襟
山枕上翠鈿鎮眉心

紅爐深夜醉調笙敲拍處玉纖輕
小屏古畫岼低平煙

月滿閒庭山枕上燈背臉波橫

遐方怨

簾影細簾文平象紗籠玉指縷金羅扇輕嫩紅雙臉似
花明兩條眉黛遠山橫鳳簫歇鏡塵生遼塞音書絕
夢魂長暗驚玉郎經歲負娉婷教人爭不恨無情

訴衷情

香滅簾垂春漏永整鴛衾羅帶重雙鳳縷黃金窗外月
光臨沈沈斷腸無處尋負春心

永夜拋人何處去，絕來音，香閣掩眉歛。月將沈，爭忍不相尋。怨孤衾，換我心，為你心，始知相憶深。

楊柳枝

即柳枝

秋夜香閨思寂寥，漏迢迢。鴛幃羅幌麝煙銷，燭光搖。正憶玉郎遊蕩去，無尋處，更聞簾外雨瀟瀟。滴芭蕉。

醉公子

二首

漠漠秋雲澹，紅藕香侵檻。枕倚小山屏，金鋪向晚扃。睡起橫波慢，獨望情何限。衰柳數聲蟬，魂銷似去年。

岼柳垂金線雨晴鷺百嚙家住綠楊邊往來多少年
馬嘶芳草遠高樓簾半卷袖翠蛾攢相逢爾許難

酒泉子

楊柳舞風輕惹春煙殘雨杏花愁鶯正語畫樓東錦
屏寂寞思無窮還是不知消息鏡塵生珠淚滴損儀容
羅帶縷金蘭麝煙凝魂斷畫屏歌雲鬢亂恨難任幾
回垂淚滴駕衾薄情何處去月臨窗花滿樹信沈沈
小檻日斜風度綠窗人悄悄翠幃間掩舞雙鸞舊香寒

別來情緒轉難判
韶顏看却老依稀
粉上有嗔痕暗
銷魂

黛薄紅深約掠綠
鬢雲膩小鴛鴦金
翡翠稱人心
錦
鱗無處傳幽意
海燕蘭堂春又去
隔年書千點淚
恨難
任

掩却菱花收拾翠
鈿休上面金蟲玉
燕鎖香奩恨厭厭
雲鬢半墜嬾重
簪淚侵山枕濕銀
燈背帳夢方酣
鴈
飛南

水碧風清入檻細香紅藕膩謝娘斂翠恨無涯小屏斜
堪憎蕩子不還家謾留羅帶結帳深枕膩炷沈煙負
當年

黛怨紅羞掩映畫堂春欲暮殘花微雨隔青樓思悠悠
芳菲時節看將度寂寞無人還獨語畫羅襦香粉汗
不勝愁

浣溪沙

春色迷人恨正賒可堪蕩子不還家細風輕露著梨花

簾外有情雙燕颺檻前無力綠楊斜小屏狂夢極天
涯

紅藕香寒翠渚平月籠虛閣夜蛩清塞鴻驚夢兩牽情
寶帳玉爐殘麝冷羅衣金縷暗塵生小窗孤燭淚縱
橫

荷芰風輕簾幕香繡衣瀉瀾泳回塘小屏間掩舊瀟湘
恨入空幃鸞影獨淚凝雙臉渚蓮光薄情年少悔思
量

惆悵經年別謝娘
月窗花院好風光
此時相望最情傷
青鳥不來傳錦字
瑤姬何處鎖蘭房
忍教魂夢兩茫茫

庭菊飄黃玉露濃
冷莎偎砌隱鳴蛩
何期良夜得相逢
背帳風搖紅蠟滴
惹香煖夢繡衾重
覺來枕上怯晨鐘

雲澹風高葉亂飛
小庭寒雨綠苔微
深閨人靜掩屏帷
粉黛暗愁金帶枕
鴛鴦空繞畫羅衣
那堪孤負不思

歸

雁響遙天玉漏清
小紗窗外月朧明
翠幃金鴨炷香平
何處不歸音信斷
良宵空使夢魂驚
簟涼枕冷不勝情

露白蟾明又到秋
佳期幽會兩悠悠
夢牽情役幾時休
記得泥人微歛黛
無言斜倚小書樓
暗思前事不勝愁

更漏子

舊歡娛新悵望擁鼻含嚙樓上濃柳翠晚霞微江鷗接
翼飛 簾半卷屏斜掩遠岫參差迷眼歌滿耳酒盈尊
前非不要論

應天長

瑟瑟羅裙金線縷輕透鶯黃香畫袴垂交帶盤鸚鵡
媚翠翹移玉步 背人勻檀注慢轉嬌波偷戲歛黛春
情暗許倚屏慵不語

漁歌子

曉風清幽沼綠倚闌凝望珍禽浴畫簾垂翠屏曲滿袖
荷香馥郁好攄懷堪寓目身閒心靜平生足酒杯深
光影促名利無心較逐

河傳

燕颺晴景小窗屏暖鴛鴦交頸菱花掩却翠鬟歌慵整
海棠簾外影繡幃香斷金鷗鷺無消息心事空相憶
倚東風春正濃愁紅淚痕衣上重

曲檻春晚碧流紋細綠楊絲軟露華鮮杏枝絲鷺轉野

蕪平似翦 直是人間到天上
堪遊賞醉眼疑屏障對
池塘惜韶光斷腸為花須盡狂

擢舉舟去波光渺渺不知何處
岼花汀草共依依雨微
鷓鴣相逐飛 天涯離恨江聲咽
嗥猿切此意向誰說
倚蘭橈獨無慘魂銷小爐香欲焦

木蘭花

即玉樓春

月照玉樓春漏促颯颯風搖庭砌
竹夢驚鴛被覺來時
何處管弦聲斷續 惆悵少年遊冶
去枕上兩蛾攢細

綠曉鶯簾外語花枝背帳猶殘紅蠟燭

柳映玉樓春日晚雨細風輕煙草軟畫堂鸚鵡語雕籠
金粉小屏猶半掩香滅繡幃人寂寂倚檻無言愁思
遠恨郎何處縱疎狂長使含嗔眉不展

月皎露華窗影細風送菊香黏繡袂博山爐冷水沈微
惆悵金閨終日閉嬾展羅衾垂玉筯羞對菱花簪寶
髻良宵好事枉教休無計那他狂耍壻

拂水雙飛來去燕曲檻小屏山六扇春愁凝思結眉心

綠綺嬾調紅錦薦
話別情多聲欲戰
玉筋痕留紅粉
面鎮長獨立到黃昏
却怕良宵頻夢見

虞美人

曉鶯啼破相思夢
簾卷金泥鳳
宿妝猶在酒初醒
翠翹慵整倚雲屏
轉娉婷
香檀細畫侵桃臉
羅袂輕輕歛
佳期堪恨再難尋
綠蕪滿院柳成陰
負春心

觸簾風送景陽鐘
鴛鴦被繡花重
曉幃初卷冷煙濃
翠勻粉黛好儀容
思嬌慵
起來無語理朝妝
寶匣鏡凝光

綠荷相倚滿池塘露清枕簟藕花香恨悠揚

翠屏閒掩垂珠箔絲雨籠池閣露黏紅藕咽清香謝娘
嬌極不成狂罷朝妝 小金鷓鴣沈煙細膩枕堆雲鬢
淺眉微斂注檀輕舊歡時有夢魂驚悔多情

碧梧桐映紗窗晚花謝鶯聲嬾小屏屈曲掩青山翠幃
香粉玉爐寒兩蛾攢 顛狂年少輕離別孤負春時節
畫羅紅袂有啼痕魂銷無語倚閨門欲黃昏

深閨春色勞思想恨共春蕪長黃鸝嬌轉泥芳妍杏枝

如畫倚輕煙鎖窗前
凭闌愁立雙蛾細
柳影斜搖砌
玉郎還是不還家
教人魂夢逐楊花
繞天涯

少年豔質勝瓊英
早晚別三清
蓮冠穩簪鈿篋橫
飄飄羅袖碧雲輕
畫難成
遲遲少轉腰身
娟翠靨眉心
小醮壇風急
杏枝香
此時恨不駕鸞皇
訪劉郎

臨江仙

碧染長空池似鏡
倚樓閒望凝情
滿衣紅藕細香清
象牀珍簟山障掩
玉琴橫
暗想昔時歡笑事
如今贏得

愁生博山爐煖澹煙輕蟬吟人靜殘日傍小窗明
幽閨小檻春光晚柳濃花澹鶯稀舊歡思想尚依依翠
頰紅歛終日損芳菲何事狂夫音信斷不如梁燕猶
歸畫堂深處麝煙微屏虛枕冷風細雨霏霏

月色穿簾風入竹倚屏雙黛愁時砌花含露兩三枝如
啼恨臉魂斷損容儀香燼暗銷金鴨冷可堪孤負前
期繡襦不整鬢髮敲幾多惆悵情緒在天涯

獻衷心

繡鴛鴦帳暖畫孔雀屏
歌人悄悄月明時
想昔年歡笑
恨今日分離銀釭背
銅漏永阻佳期
小爐煙細虛閣
簾垂幾多心事
暗地思惟被嬌娥牽役
魂夢如癡金閨
裏山枕上始應知

鹿虔扈

蜀永泰軍節度使
加太保詞六首

女冠子

鳳樓琪樹惆悵劉郎
一去正春深
洞裏愁空結
人間信
莫尋
竹疎齋殿迴
松密醮壇陰
倚雲低首望
可知心

步虛壇上絳節霓旌相向引真仙玉佩搖蟾影金爐嫋
麝煙 露濃霜簡濕風緊羽衣偏欲留難得住却歸天

思越人

翠屏欹銀燭背漏殘清夜迢迢雙帶繡窠盤錦薦淚侵
花暗香銷 珊瑚枕膩鴉鬢亂玉纖慵整雲散苦是適
來新夢見離腸爭不干斷

虞美人

卷荷香澹浮煙渚綠嫩擎新雨瑣窗疎透曉風清象牀

珍簟冷光輕水文平
九疑黛色屏斜掩枕上眉心斂
不堪相望病將成
鈿昏檀粉淚縱橫不勝情


臨江仙

金鎖重門荒苑靜綺窗愁對秋空翠華一去寂無蹤
玉樓歌吹聲斷已隨風
煙月不知人事改夜闌還照深宮
藕花相向野塘中
暗傷亡國清露泣香紅

無賴曉鶯驚夢斷
起來殘酒初醒
映窗絲柳
嫋煙青翠
簾慵卷約砌杏花零
一自玉郎遊冶去
蓮凋月慘儀

形暮天微雨灑閒庭
手按裙帶無語倚雲屏

御定全唐詩卷八百九十四



總校官庶吉士臣張能照

校對官中書臣張頊

謄錄監生臣王朝寧